



LVdouicus insigni corporis & animi fortitudi-
 ne præditus fuit. Itaq; Cæsaris Conradi castra
 secutus, in Italia & Vngaria magnâ bellicæ rei pe-
 ritiam acquisiuit, atq; ordines ducens, sæpius ui-
 ctoriam reportauit. hinc factum ut apud Cæsarem
 & imperij principes magnam auctoritatẽ nactus,
 ob suam seueritatẽ Barbatvs dictus fuerit. Vt itaq;
 Cõradus sese tanto uiro gratũ declararet, Bardoni
 præfuli Moguntino & uicinis principibus impe-
 riali auctoritate commendauit, ut Ludouico in
 Thuringia & Hafsia aliquam terræ partem guber-
 nandam attribuerent. id quod factũ est, anno circi-
 ter millesimo tricesimo. Itaq; Ludouicus eam di-

tionem nactus, magna prudentia gubernauit, atq; pietate & fortitudine pluri-
 mum auxit. Cum autem diu ñs in locis præfuisset, tandem moriens, suã regio-
 nẽ Ludouico filio administrandã reliquit. Huius herois posteritatem in tabu-
 la subiiciemus.